

րաբյանը «Մուրճում» հանդես եկավ «Տնտեսական պրոգրեսը XIX դարում» հոգվածաշարով:

1900—1902 թթ. «Մանիֆեստի» հայերեն թարգմանության փորձեր են կատարվում նաև Թիֆլիսում, ժնևում և այլ տեղերում: 1901 թ. Թիֆլիսում «Մանիֆեստը» ռուսերեն երկրորդ հրատարակությունից թարգմանվում է հայերեն, ժնևում կատարվում է «Մանիֆեստի» նոր թարգմանություն արևմտահայերենով (Պոլ Լաֆարգի ֆրանսերեն տեքստից), սակայն դրանք ևս չհրատարակվեցին: Թարգմանվում և հրատարակվում են Ս. Դիկշտեյնի «Ով ինչո՞ւ է ապրում», Պ. Լաֆարգի «Իրավունք ծուլանալու», «Կոմունիզմը և տնտեսական էվոլյուցիան», Լիրկենխտի «Սարդեր և ճանճեր», Լասսալի «Սահմանադրության էությունը» և սոցիալիստական բովանդակությամբ այլ գործեր: Այս ամենը տակավին հայ իրականության մեջ մարքսիզմի գաղափարների տարածման նախաքայլերն էին⁷⁸:

4. «ՀԱՅ ԻՍՆՎՈՐ ՀԵՂԱՓՈԽԱԿԱՆՆԵՐԻ ԱՍՈՑԻԱՏԻԱՆ»

XIX դարի 90-ական թվականներին հայ իրականության մեջ զնալով ուժեղանում են քաղաքական խմորումները, ծավալվում ազգային-ազատագրական շարժումները, ստեղծվում հեղափոխական տարբեր կազմակերպություններ, բանվորական և երիտասարդական խմբակներ, կանանց միություններ: 1891 թ. Թիֆլիսում գործող հայ աշակերտական խմբակներից մեկի շուրջը համախմբվում են բանվորներ, արհեստավորներ, մտավորականներ, որոնք մեկ տարի անց, 1892 թ. վերջերին, հիմք են դնում «Հայ բանվոր հեղափոխականների ասոցիացիային»⁷⁹, «Ասոցիացիայի» կազմում էին Ա. Խումարյանը, Ս. Խանոյանը, Ս. Տեր-Ստեփանյանը, Ս. Տեր-Սիմոնյանը, Ա. Խաթակյանը, Պ. Մնացականյանը (Պիեր), Հ. Միրզոյանը, Ս. Մարտիկյանը, Գ. Մաղաթյանը, Տ. Պարոնիկյանը, Ա. Մեհրաբյանը, Հ. Մուրադյանը և ուրիշներ: Նրանց մեծ մասը երիտասարդներ էին, զուրկ հեղափոխական պայքարի փորձից: Նրանցից միայն մեկը՝ Պետերբուրգի ուղղացական սեմինարիան ավարտած ուսուցիչ Ստեփան Տեր-Ստեփանյանն էր, որ ծանոթ էր Ռուսաստանի բանվորական առաջին կազմակերպություններին, «Նարոդնայա վոլայի» գործունեությանը, գիտեր նրանց գրականությունն ու ծրագիրը: 1882 թ. Թավրիզից գալով Թիֆլիս, նա իր հետ բերել էր նարոդնիկական և «Աշխատանքի ազատագրություն» խմբի հրատարակություններից՝ ռուս նշանավոր բանվոր հեղափոխական Պլոտեր Ալեքսեևի ճառերը, Ստեփան Խալտուրինի, Սոֆիա Պերովսկայայի և ուրիշ գործիչների մասին հանրամատչելի բրոշյուրներ, «Նա-

78 Տե՛ս Խ. Բաբեղյան, Մարքսիզմի տարածումը Հայաստանում, գիրք առաջին, 1967, Թ. Ավգարեղյան, Կոմունիստական մանիֆեստի հայերեն թարգմանությունները 1887-ից մինչև 1924 թթ., «Վերելք», 1924, № 4—5: Ս. Ս. Արևուժեղ. Բանվորական շարժումը և սոցիալ-դեմոկրատիան Կովկասում, Երևան, 1922:

79 Տե՛ս Վ. Ավետիսյան, Հայ բանվոր հեղափոխականների ասոցիացիայի մասին, «Լենինյան ուղիով», 1957, № 4, Երևան, էջ 71—86: Ա. Խումարյան, Հայ բանվոր հեղափոխական ասոցիացիան, «Մարտախոշ», հունվար, 1924, Աս. Մնացականյան, Առաջին հայ բանվորական ռեվոլյուցիոն կազմակերպությունը, «Պարտիական կյանք», 1956, № 10: Խ. Բաբեղյան, Հայաստանի կոմունիստական պարտիայի կազմավորումը, Երևան, 1965, էջ 35—43: Խալեյի, Մարքսիզմի տարածումը Հայաստանում, գիրք առաջին, Երևան, 1967, էջ 259—269:

րողնայա վոլյայի» համարները: «Ասոցիացիայի» անդամների վրա ուժեղ տպավորություն են գործում Պյոտր Ալեքսեևի նշանավոր խոսքերը՝ «...կեթ քանի միլիոնավոր բանվոր ժողովրդի մկանոտ ձեռքերը և հոգս կցնդի զինվորների սվիններով շրջապատված ինքնակալության լուծը»:

Իր գաղափարական ազդեցությունը տարածելու նպատակով «Ասոցիացիան» ստեղծել էր ընդհատակյա տպարան, հիմնել «Ազատ Հայաստան» թերթը, որի առաջին համարը լույս տեսավ 1893 թ. հունիսի 23-ին: Այդ համարում տպագրված էր հայ հեղափոխական-դեմոկրատ Միքայել Նալբանդյանի կենսագրությունը: «Ասոցիացիայի» անդամները ծանոթանում էին մարքսիստական առանձին երկերի, մասնավորապես Գ. Պլեխանովի «Սոցիալիզմը և քաղաքական պայքարը», «Մեր տարածաշրջանները», «Նամականի Ռուսաստանի սովի մասին» աշխատություններին, իրենց թիրթրում քաղվածքներ բերում «Սոցիալիզմը և քաղաքական պայքարը» գրքից⁸⁰: Պատմելով Կ. Մարքսի տնտեսական ուսմունքի մասին, «Ասոցիացիայի» ղեկավարները պարզաբանում էին, որ Մարքսը պայքարում էր ընդդեմ Պրուդոնի, որը «չի ընդունում քաղաքական հեղափոխությունը», իսկ ոչ մի քաղաքական հեղափոխություն չի եղել, որ միևնույն ժամանակ չլիներ և սոցիալական»⁸¹:

1894 թ. «Ասոցիացիան» հատուկ երեկույթով նշեց միջազգային պրոլետարիատի ուժերի մարտական ստուգատեսի օրը՝ Մայիսի մեկը, իսկ «Ազատ Հայաստանը» հատուկ համար նվիրեց մայիսմեկյան տոնին: «Ազատ Հայաստանի» հետագա համարներում լույս տեսան «Կարլ Մարքսի թեորիաներից մեկը» թարգմանական հոդվածը, «Խնչ է բանվորը», «Հրավեր 2. Բ. 2. Ասոցիացիայի», «2. Բ. 2. Ասոցիացիայի մարշը», «Մեր համոզմունքը և ծրագիրը» և այլ նյութեր: Բայց ինչպես առանձին հոդվածներում, այնպես էլ «Ասոցիացիայի» ծրագրում, որը առանձին գրքույկով հրատարակվեց 1893 թ. հոկտեմբերին, զգացվում էր «Նարոդնայա վոլյայի» և «Հնչակյան» կուսակցության գաղափարական-քաղաքական ազդեցությունը: «Ասոցիացիայի» ծրագիրը հեռու էր հետևողական մարքսիզմից: Նրա զխավոր բովանդակությունը ոչ թե դասակարգային պայքարի պահանջն էր, այլ «հայկական հեղափոխություն» միջոցով «հայրենիքի» ազատագրման ձգտումը և դրա իրագործման համար ազգայնական կուսակցությունների քարոզած հայացքների դրոշմն էր կրում իր վրա:

Մրազրի նախագծի սուաջին «Մեր պահանջները» բաժնում ասված է. 1. Բոլոր հասարակական գործերում համաժողովրդական քվեարկություն: 2. Բոլոր գործընկերները հանձնել բանվորներին: 3. Հողը դարձնել հանրային սեփականություն: 4. Վերջ տալ ազգային խտրականությանը: 5. Խոսքի, մամուլի, խղճի, ասոցիացիաների, ազիտացիայի և այլնի լիակատար ազատություն: 6. Բոլոր միջոցները ձեռք առնել ժողովրդի քաղաքակրթության համար և պարտադիր դարձնել բոլոր երեխաների տարրական կրթությունը: 7. Ապահովել մարզերի լայն անկախություն, որն ապահովի ընդհանուր ձայնատվությամբ ընտրված կառավարչությամբ և նրա դաշնակցային կապերով ուրիշ մարզերի հետ: 8. Ընդմիջտ ոչնչացնել պարտադիր զինվորական ծառայությունը, նրա

80 Տե՛ս «Ազատ Հայաստան», № 2, 1893:

81 Նույն տեղում:

փոխարեն ունենալ ազգային միլիցիա տվյալ վայրի պահանջներին համապատասխանա՝

Այնուհետև հաջորդում են ինքնուրույն պահանջները՝ ապագա ազատ Հայաստանում ստեղծել դեմոկրատական հանրապետություն, օրենսդիր (Ազգային) ժողով, բոլոր գործարանները հանձնել բանվորներին, հողը դարձնել հանրային սեփականություն, հասնել քաղաքական ազատությունների ասպահովման։

Դեմոկրատական և սոցիալական այս պահանջները, որ ժառանգված էին նարոդնիկներից, ժամանակին հայ իրականության մեջ որոշակի հետաքրքրություն էին ներկայացնում։ Բայց նրանցում ի մի էին խառնված բուրժուա-դեմոկրատական և սոցիալիստական միջոցառումները, անսոսված էին դասակարգային պայքարը, պրոլետարիատի կողմից քաղաքական իշխանության նվաճման վերաբերյալ մարքսիստական հայեցակետը։ «Հայ բանվոր հեղափոխականների» հասկացած սոցիալիզմը, ինչ խոսք, հեռու էր Մարքսի գիտական սոցիալիզմից։ Սոցիալիզմը «Ասոցիացիայի» համար «թեթև երանգ էր»⁸², — գրել է նրա ղեկավար գործիչներից Ս. Խանոյանը։

«Հայ բանվոր հեղափոխականների ասոցիացիան» լինելով դեմոկրատական, ազգային-ազատագրական պայքարի ողով տոգորված առաջադիմական կազմակերպություն, բնավ զերծ չէր հնչակյանների ազդեցությունից։ Ի տարբերություն հնչակյանների, նրանք ավելի որոշակիորեն էին շոշափում բանվորների սոցիալական ազատագրության հարցերը, պրոպագանդում՝ հօգուտ սոցիալիզմի։ Բայց նրանց ևս հատուկ էին մանրբուրժուական սահմանափակումները, հայ ազգային շարժման և նրա նպատակադրումների ազգային մեկուսացումը։ «Ասոցիացիայի» հայացքները ձևավորվում էին այնպիսի մի ժամանակաշրջանում, երբ բանվորական շարժման ազդեցությունը և մարքսիզմը տակավին նոր էին թափանցում Անդրկովկաս և խորապես չէին ընկալվել «Ասոցիացիայի» անդամների կողմից։

«Ազատ Հայաստանը» հաճախ էր «Հնչակից» նյութեր արտատպում և տարածում։ «Հնչակն» էլ իր հերթին աջակցում էր «Ասոցիացիային»։ 1893 թ. նոյեմբերին «Հնչակը», ողջունելով «Ազատ Հայաստանին», այն դիտում էր որպես իր ձայնակիցը, իր կրտսեր եղբայրը⁸³։ «Ասոցիացան», իր զաղափարական սնունդն առնելով նարոդովոլոցիներից և հնչակյաններից, հայ բանվորներին կոչ էր անում համախմբվել իր դրոշի տակ «...թե այժմ և թե ընդհանուր հեղափոխության ժամանակ, գործել միասին ճանուն իրենց շանի, ճանուն ճացի խնդրի, ճանուն ճայ ժողովրդի երջանկության...»։ «Աշխատավոր եղբայրներ, մոտենում է օրը, ժամը սոսկալի,— գրել էր «Ազատ Հայաստանը»։ «Սեղեք արի և գիտցեք ձեր սուրբ դատը պաշտպանել... հավաքվեցեք ի մի և կազմեցեք մի մարմին, մի ամբողջություն... դեն ձգեք սուլթանի կաշկանդող լուծը և հին կարգերը»⁸⁴։

82 ՍՄԿԿ Կենտկոմին կից մարքսիզմ-լենինիզմի ինստիտուտի կենտրոնական պետական արխիվ, ֆ. 124, ց. 1, գ. 2041։

83 Ակն-Նանց (Ավ. Նազարեկ), «Ազատ Հայաստան», օրգան «Հայ բանվոր հեղափոխականների ասոցիացիայի (ընկերության)», «Հնչակ», 11 և 12, նոյեմբեր-դեկտեմբեր, 1893, էջ 96։

84 «Ազատ Հայաստան», № 3, 1893, «Հրավեր ՀԲՀ ասոցիացիայի»։

«Հայ բանվոր հեղափոխականների ասոցիացիան» միաժամանակ պայքարում էր դաշնակցության դեմ, մերկացնում եվրոպական դիվանագիտների որոգայթները Հայկական հարցում: «Ազատ Հայաստանը» դաշնակցության գործիչներին անվանում էր «Հոգով աղքատներ», որոնք կուրորեն ընթանում են դեպի եվրոպական դիվանագիտները. «Գնացե՛ք, մաշեցե՛ք օտարների շեմքերը, որոնք ձեզ միայն ծաղրում են», — գրել է Թերթթը⁸⁵:

«Հայ բանվոր հեղափոխականների ասոցիացիան» ծրագրել էր կազմակերպել դասախոսություններ, միտինգներ, տարածել հեղափոխական գրականություն. իր պրոպագանդիստներին ուղարկել գյուղերն ու քաղաքները, տեղեկում ստեղծել խմբակներու Գեղերումների ժամանակ «Ասոցիացիայի», շարքերում 1894 թ. կեսերից բացահայտ են դառնում ներքին պատակտամները: Ա. Խումարյանը դեկափոխությունը պատակտված թեր 1894 թ. դեկտեմբերի 1-ին հրատարակում է միության նոր օրգան «Կոիվ» թերթը, որը ընդմիջումներիով շարունակում է լույս տեսնել մինչև 1895 թ. աշունը: «Կոիվ» առաջին համարի նյութերը նվիրված են 1894 թ. Սասունի ապստամբությանը: Առաջնորդող հոդվածը, որ խորագրված է «Ազատության արշալույս», վերջանում է «Կեցցե՛ն հայկական հեղափոխությունը... Կեցցե՛ն Սասունը» կոչերով:

«Մեր թշնամին — դա Հին աշխարհն է, — գրել է «Կոիվը», — իր հասարակական կարգերով... Մեր եղբայրները բոլոր երկրների բանվորներն ու ժողովուրդներն են, որոնք շահագործվում են այդ կարգերում»⁸⁶, «Կոիվ» եկրորդ համարում տպագրվել են «Կախաղանի տակ հեղափոխական պատգամ», «Կոչ Պետրոպոլիսյան բերդից» ուշագրավ նյութերը: Վերջինս ուղղված էր Ռուսաստանի միապետական կարգերի դեմ: Չնայած այս կարգի կոչերին, «Ասոցիացիայի» անդամները գործում էին Ռուսաստանի մյուս ազգերի բանվորներից, մանավանդ ռուս պրոլետարիատից, սոցիալ-դեմոկրատական մարքսիստական խմբակներից մեկուսացած:

1894—1895 թթ. «Հայ բանվոր հեղափոխականների ասոցիացիան» զգալի աշխատանք կատարեց իր խմբակներն ստեղծելու Ալեքսանդրապոլում. Կարսում, Բաքվում, Նիսավիստոլում: Այդ նպատակով 1895 թ. Սիսակ Տեր-Սիմոնյանը, Սերգո Մարտիկյանը և ուրիշներ մեկնեցին Քուրբիա: Բայց այդ նրանց չհաջողվեց:

1895 թ. կեսից Կովկասում ավելի է ուժեղացվում ռուսականական հակոդությունը «Ասոցիացիայի» գործունեության նկատմամբ: Մեկը մյուսի ետևից ձերբակալվում և բանտ են նետվում նրա անդամները՝ Ա. Խումարյանը, Ս. Տեր-Սիմոնյանը, Ս. Սարգսյանը, Կ. Սեպելյանը, Հ. Միրզոյանը և ուրիշներ: Այդ ժամանակ էլ դադարում է «Ասոցիացիայի» գործունեությունը: 1898—1900 թթ. Վլատկայի նահանգի արքայապետում Ա. Խումարյանը մոտիկից շփվելով արևոտում գտնվող Ն. Բաումանի, Ֆ. Զերթինսկու, Պ. Ստուշկայի (Վատկայի կոմկուդի հիմնադիրներից), լատիշ գրող Ցան Ռայնիսի, «Պայքարի միության» առանձին անդամների հետ, հեղափոխական մկրտություն է ստանում և 1898 թ. մտնում ՌՍԴԲԿ շարքերը: Ցան Ռայնիսին պատմում է հայ ժողովրդի տառապանքների մասին, որը գրում է «Աշխարհի ամենագործախտ երկիրը և ամենագործախտ ժողովուրդը»⁸⁷: հայերին նվիրված հոդվածը: Պետրոս Մնացականյա-

⁸⁵ «Ազատ Հայաստան», № 1893:

⁸⁶ Տե՛ս վՄԸ՝ ԿԳՊԱ, ֆ. 7, գ. 23, թ. 107—108:

նին և Արշալույս հաժախանին, որոնք կարողացել էին խույս տալ ձերբակալությունից չի հաջողվում վերսկսել «Ասոցիացիայի» ընդհանուր զործունեությունը։ Ա. հաժախանը, մեկնելով Պարսկաստան, մեծ դժվարությամբ հրատարակում է «Կոլիա» միայն մեկ համար։

Ճարիզմի կողմից ջախջախվում է «Հայ բանվոր հեղափոխականների ասոցիացիան»՝ Կովկասի բանվորական առաջին կազմակերպություններից մեկը։ Նրա ղեկավար անդամների մի մասը՝ Պ. Մնացականյան, Գ. Մաղաթյան, Ս. Տեր-Սիմոնյան և ուրիշներ, աշխատում էին հնչակյան կուսակցության շարքերում։ Հետագայում, ռուսական առաջին հեղափոխության տարիներին, նրանց մի մասը վերջնականապես խզում է կապերը հնչակյաններից և մտնում ԽՍԴԲԿ շարքերը։

«Հայ բանվոր հեղափոխականների ասոցիացիան» թեև հայ իրականության մեջ 1890-ական թվականներին սկզբնավորվող հեղափոխական սոցիալ-դեմոկրատական կազմակերպություններից չէր, բայց իր գործունեությամբ որոշ հոգ նախապատրաստեց սոցիալ-դեմոկրատական խմբակների առաջամասն համար։

5. ԲԱՆՎՈՐԱԿԱՆ ԱՌԱՋԻՆ ՄԱՐԲՍԻՍԱԿԱՆ ԽՄԱԿՆԵՐԸ ԶԱՅ ԻՐԱԿԱՆՈՒԹՅԱՆ ՄԵՁ

XIX դարի վերջին և XX դարի սկզբին հայ հասարակական-քաղաքական կյանքում առաջացած տեղաշարժերը, կապիտալիստական հարաբերությունների զարգացումը, բանվորական շարժման վերելքը, ռուսական առաջավոր պրոլետարիատի հեղափոխական ելույթները նպաստավոր պայմաններ են ստեղծում հայ իրականության մեջ մարքսիզմի տարածման և բանվորական առաջին մարքսիստական խմբակների գաղափարական դաստիարակության համար։ Հայ իրականության մեջ մարքսիզմի տարածմամբ հայ հասարակական մտքի զարգացումը թևակոխում է նոր փուլ, որն իր ակունքներում ունի մեծ հեղափոխական դեմոկրատ Միքայել Նալբանդյանի և նրա հետևորդների հեղափոխական-ազատագրական սլաքարի ավանդույթները և առաջավոր գաղափարները։

90-ական թվականներից Անդրկովկասում երևան են գալիս մարքսիստական առաջին խմբերն ու խմբակները, որոնք ունենին ինտերնացիոնալ կազմ։ Վրաստանում առաջին հեղափոխական խմբի գործունեության հետ է կապված Ա. Մ. Գորկու (Պեշկով) անունը։ 1891 թ. երիտասարդ Գորկին, գալով Թիֆլիս, կապվում է Ֆ. Աֆանասևի ղեկավարությամբ գործող գաղտնի խմբակի՝ «Կրասնոգորսկայա կոմունայի» հետ։ 1892 թ. հիմնվում է վրացական առաջին մարքսիստական խումբը, որը հետագայում կոչվեց «Մենսամե դասի» (ներորդ խումբ)։ Նրա ղեկավար կազմում, բացի վրացիներից, կային նաև ռուսներ և հայեր, այդ թվում՝ Ֆ. Աֆանասևը, Ֆ. Մալոբովը, Ի. Լուկինը, Ստ. Դանդուրովը (Դանդուրյան), Ն. Ֆլերովը։ «Մենսամե դասին» համախոհ մարքսիստների միասնական կազմակերպություն չէր։ Նրա մեծամասնությունը, Ն. Ժորդանիայի ղեկավարությամբ, լեզալ մարքսիստներ էին և ունենին նացիոնալիստական ուղեգիծ, իսկ փոքրամասնությունը հեղափոխական մարքսիստներ է. Կեցիուկելու, Ս. Մուլուկիձեի, Մ. Յիսակայայի, Ֆիլիպ Մախարաձեի, Ա. Զա-